

Skeudenniñ Ouzbekistan

Ur vro etre modernelezh hag hengoun

Nevez zo en deus kinniget ar skeudenner Klez Brandar e labour da skipailh Vre-mañ. Tro en deus bet da gantren en Ouzbekistan, ur vro dianav da galz a Vretoned. Kaset en deus un dornad luc'hskeudennoù gant pep a frazennig evit reiñ un tañva eus ar vuhez eno. Un tamm skrid en deus savet ivez evit kinnig e labour.

abaoe daou vloaz ne 'm boa ket beajet. Ar wezh diwezhañ a oa e 2014, pa oan chomet 6 miz e Buenos Aires evit enrollañ ma fladenn gentañ (*Solitaria*) hag evit labourat e stal levrioù ma mignoned "Fedro". Daou vloaz, nag un hir a amzer... Start e oa ar jeu ur wech distro da Vreizh, dilabour e penn kentañ 2015 daoust ma kasen CV-où bemdez. Diarc'hant. D'an 10 a viz Mae 2015 on erru amañ e Praha, diarc'hant bepred, ha d'an 11 a viz Mae e oan krog da labourat. Ha setu-me evit ar wezh kentañ e burevioù embregerezhioù bras hag etrebroadel e-pad muioc'h eget ur bloaz. Ur gopr bihan hag ur vuhez nevez. Goude mizioù

start em eus lakaet arc'hant a-gostez hag a-benn ar fin, e miz Gwengolo 2016, eo bet posupl din prenañ ur bilhed evit ur vro hag a zesache ac'hanon abaoe 5 pe 6 bloaz, Ouzbekistan. Abalamour da betra ? War Hent ar Seiz emañ, un arkitektouriezh dispar zo met dreist-holl, ar pep pouezusañ evidon, eo an dud. Ne 'm eus ket soñj mat piv pe pelec'h... met klevet 'm boa kaoz eus an istor hag eus tud degemeret mat en Ouzbekistan. An hengoun legadet dre an istor. Evit gwir eo digor-bras an dud d'an estren. N'eus ket kalz a douristed c'hoazh ha santet e vez pouez an hengoun ha pouez ar "vodernelezh". Souezhus eo gwelet ar meskaj-se ha start eo kontañ e berr gomzoù. Santet

evet al levezonioù etre an unaniezh soviedel hag an ouzbekek... Normal eo evit an dud eno kaozeal div yezh pe muioc'h (rusianeg, zbeouzbekeg, tadjikeg, karakal-pakeg, kazakeg, tatareg...). Met laoskomp ar skeudennoù da gaozeal bremañ.


Setu un dibab fotoioù graet ganin. Distroet on gant 991 foto, daoust ma 'm boa klasket c'hwennañ bemdez ar muiañ posupl a fotoioù evit chom gant ar pep pouezusañ. Start eo dibab. Marteze e rin ul levr ganto ma 'm eus amzer... ha kavet e vo muioc'h a fotoioù hag istorioù fentus pe drol. Gwelet 'vo. Beaj vat ha *rahmat* da *Vre-mañ* !

Klez Brandar

Rahmat : "trugarez" en ouzbekek.

Ar Registan eo, e kêr Samarkand. Ur pezh savadur, bravoc'h e-pad an noz pa vez sioulloc'h kêr.

Ouzbekistan a weler aze e-kreiz, e gwer, war ar voul-douar-mañ.



Delwenn Timur, karet e pep lec'h er vro.



Ministrerezh an ekonomiezh, Tachkent, ar gêrbenn. Gant ur sklêrijenn vray.

Opera Tachkent pe "Navoi Theater". Fentus eo peogwir e oamp antreet hep paeañ, ur vunutenn a-raok ma krogfe un abadenn. Ken laouen e oa an dud o welet estrenien. Ur gomedienn e oa. 'M eus ket soñj eus anv ar pezh met ne oa ket e rusianeg, en ouzbekek e oa.



Bugale zo e pep lec'h er vro. N'eo ket evel en Europa bremañ : c'hoari a ra ar vugale er straedoù. N'eo ket ur vro gant kalz feulster. Vad a ra gwelet an dra-se. Dimeziñ a ra an dud yaouankik hag e teu bugale dezho diouzhtu.




Setu ar c'hleb (*kleb*) a boazher e-barzh ur forn. Kavet e vez ar bara ront-se e pep lec'h er vro.



Ur vro baour eo met puilh eo ar meuzioù.



Mor Aral, un devezh m'edon e Mo'ynoq. Div eurvezh taksi zo ac'hano da Nukus. Ur porzh e oa n'eus ket pell zo. Trist eo ha fentus diouzh un tu all.



Khiva. Ur gêr vihan evel Gwened. Bravtre. Ar gwellañ bazar gweladennet ganeomp ivez. Ar boued e oa an hini gwellañ hor boa kavet er vro.



Ur vro etre hengoun ha modernelezh. Ar paotrig-se zo ur pellgomzer hezoug gantañ en e zorn met dav eo dezhañ ober war-dro e loen...

An holl skeudennoù gant Klez Brandar, pep gwir miret strizh.